



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

36 Pensio sine consensu pensionarii auctoritate ordinaria, reservari non potest.

**urn:nbn:de:hbz:466:1-10316**

demandati : ita distinguit Gomef. in d. comp. utriusque signa. ead. n. 86. Gig. de pens. 38 q. 85. nu. 1. & 2. & Staphil. in tract. de commiss. tit. just. §. in primis igitur. n. 84. & 85.

Quartò differt reservatio Papæ à reservatione inferiorum † quia Papa in collatione beneficij potest reservare alteri pensionem sine consensu ejus, cui beneficium confertur, derogando regulæ de præstando consensu, Gig. d. tract. de pens. q. 85. n. 2. inferiores verò sine consensu beneficiati pensionem reservare non possunt, ut in eo. tract. q. 10. nu. 9. & est ratio, quia regula de præstando consensu ligat manus inferiorum, arg. text. in c. ut debitus. de appell. non autem Papæ, quin possit illi derogare, cum ejus sit revocare, qui condere potest.

Legati de latere quoque † possunt pensiones reservare, quæ tamen medietatem fructuum beneficiorum non excedant, quæ potestas illis conceditur in facultatibus legationis, ut Clementi Papæ VIII fuit concessa, dum Cardinalatus officio fungeretur, ad Regnum Poloniæ in Legationem missio, sub his verbis, ac etiam super dictorum beneficiorum resignatorum, seu cessorum fructibus, redditibus, & proventibus, quatenus id commode ferre poterunt, quascunque pensiones annuas, non tamen medietatem fructuum reddituum, & proventuum hujusmodi excedentes, resignantibus vel cedentibus, quoad vixerint, per dicta beneficia pro tempore obtinentes, & eorum successores annis singulis in locis, & terminis, ac sub privationis, & aliis sententiis, censuris, & pœnis ecclesiasticis, &c. reservandi, constituendi, & assignandi, ut in facultatibus, de quibus in 2. p. bull. Sixti V. cap. 35. §. ac etiam super, & hanc facultatem pensiones reservandi non

habent de jure communi, sed vigore litterarum specialium † facultatum, quia de jure communi solum beneficia conferre possunt, per text. in c. 1. de off. leg. in 6. Legati verò inferiores, ut sunt Nunciij pensiones super fructibus beneficiorum reservare non possunt. Nam licet olim illis concederetur facultas reservandi, ut testatur Gig. de pens. qu. 6. n. 22. à pluribus tamen annis citra, Nuntiis Apostolicis dicta facultas non conceditur, & eorum facultas, tanquam extraordinaria, strictè est intelligenda. gl. penult. in clem. 2. de off. ordin.

Dubitari potest, † an reservationes pensionum à Legatis de latere factæ habeant eandem paratam executionem, quam habent pensiones auctoritate Apostolica reservatæ, ita, quòd in casu appellationis à sententia in prima instantia lata debeat dari commissio clausula, sine retardatione solutionis pensionis, & cum Legati reservent pensiones, quæ transeunt ad successores, & sub solitis sententiis, censuris, & pœnis eo modo, quo à Papa reservantur, videtur, quòd pari passu debeant ambulare, & clausula sine retardatione solutionis, debeat apponi, quia de similibus idem est judicium, cap. inter ceteras. de rescript. cap. 2. de translat. Pralat. & cap. cum secundum Apostolum. in princ. de praben. Quod autem, quando inferior reservat pensionem auctoritate sibi concessa, & attributa à Papa, non procedat conclusio, quod causa absque clausula, sine retardatione solutionis pensionis, sit committenda, quia tunc Papa reservare videtur. tenet Gig. in eod. tract. quest. 85. n. 12. quam opinionem non puto simpliciter veram, quia, aut facultas est simplex, & libera ad reservandam Titio pensionem